

**Amra Junuzović – Kaljić
Zastupnik u Skupštini Kantona Sarajevo**

Broj: 162/2019
Sarajevo: 9.9.2019.

Kanton Sarajevo
Vlada Kantona Sarajevo
Skupština Kantona Sarajevo
n/r: Predsjedavajući Skupštine Kantona Sarajevo
n/r: Sekretar Skupštine Kantona Sarajevo

Predmet: Zastupnička inicijativa za sufinansiranje troškova izrade i odbrane doktorskih disertacija

Poštovani,

U skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), upućujem zastupničku inicijativu prema Skupštini Kantona Sarajevo u vezi sufinansiranja troškova izrade i odbrane doktorskih disertacija.

Potrebno je da Ministarstvo za obrazovanje, nauku i mlade Kantona Sarajevo izdvoji sredstva za sufinansiranje troškova izrade i odbrane doktorskih disertacija u 2019. godini za doktorante koji su doktorirali na UNSA nakon juna 2018. godine, te da u budućim planiranjima budžeta u Kantonu Sarajevu ovo bude nezaobilazna stavka podrške mladim naučnicima.

Obrazloženje:

Ministarstvo za obrazovanje, nauku i mlade Kantona Sarajevo je u 2018. godini, a i u prethodnoj godini, planiralo sredstva u svrhu sufinansiranja troškova izrade i odbrane doktorskih disertacija. Tako je Ministarstvo 5.6.2018. godine objavilo Javni poziv za sufinansiranje troškova izrade i odbrane doktorskih disertacija u 2018. godini.

Pravo na dodjelu sredstava odnosno sufinansiranje po ovom javnom pozivu su imali kandidati

- koji su u 2018. godini odbranili doktorsku disertaciju na visokoškolskoj ustanovi na području Kantona Sarajevo (prije objave Javnog poziva);
- kojima je određen termin javne odbrane doktorske disertacije u 2018. godini na visokoškolskoj ustanovi na području Kantona Sarajevo;
- koji su u 2017. godini odbranili doktorsku disertaciju na visokoškolskoj ustanovi na području Kantona Sarajevo nakon objave javnog poziva Ministarstva za obrazovanje, nauku i mlade Kantona Sarajevo za sufinansiranje u 2017. godini, a koji nisu ostvarili pravo na sufinansiranje troškova tehničke izrade i odbrane doktorske disertacije po javnom pozivu Ministarstva za obrazovanje, nauku i mlade Kantona Sarajevo u 2017. godini.

Prema raspoloživim informacijama, Ministarstvo za obrazovanje, nauku i mlade Kantona Sarajevo ove godine nije planiralo sufinansiranje troškova izrade doktorskih disertacija.

Ako je ovo tačno, uskraćivanjem sufinansiranja doktoranti koji su na UNSA doktorirali nakon juna 2018. godine i u 2019. godini, uskraćeni su podrške Ministarstva i time su stavljeni u neravnopravan položaj u odnosu na kolege koji su odbranili doktorat do juna 2018. godine. Svima je poznato da treći ciklus studija i izrada doktorske disertacije na UNSA jako mnogo koštaju, i ti se iznosi kreću od 20.000KM i više. Sva ta sredstva koja odvoje naši doktoranti uplaćuju se UNSA odnosno Kantonu Sarajevo, pa svaki oblik sufinansiranja je dobrodošao jer se time ulaže u nauku, jer dobivena sredstva promovirani doktori nauka će uglavnom uložiti u novo sticanje znanja i izradu novih naučnih radova. Finansiranje nauke i istraživačkog rada u BiH je na veoma niskom nivou i ne treba dozvoliti da ovakav vid podrške naučno-istraživačkom radu naših mladih ljudi bude izostavljen.

S poštovanjem,



Amra Junuzović-Kaljić
Zasupnik u Skupštini Kantona Sarajevo
Nezavisna bosanskohercegovačka lista